

聲歎上苦項反下昔愛反 郁多六反於惱牖上空字百垣牆

上九音

郁多

上六反於惱牖下空字百垣牆

清冷

下音靈

鞞步

迷下時尹反

攔楯

下時所尹反

金翅上九音 漢浴上早音 濫音 毒刺上七音 捕魚上步音

下施智反下正作捕各反

不挑下徒弔反正作挑不作挑 閻頴才遠反 緩玄伴反 蔽必

二經合卷

大乘四法經

離垢慧菩薩所問禮佛法經

大乘四法經

唐于闐國三藏法師實叉難陀奉 制譯

景四

歸命大智海 暝盧遮那佛

如是我聞一時佛在舍衛國祇樹給孤獨園

與大比丘衆五百人菩薩摩訶薩八千人俱
皆被堅固大弘誓甲冑欲色界諸天子等無
量百千恭敬如來聽受法要

爾時文殊師利童子持一寶蓋廣十由旬覆
如來上時有兜率陀天名曰善勝已於阿耨
多羅三藐三菩提得不退轉與其眷屬在此

會中白文殊師利言尊者供養如來猶未足耶文殊師利言於意云何海納衆流有狀足不天言不也文殊師利言天子大海深廣無涯際萬流朝宗嘗無盈息善薩摩訶薩求薩婆若供養如來亦復如是未曾厭足天復請言供養佛時應何所爲文殊答言應以四

事一爲薩婆若二爲度一切衆生三爲不斷三寶種四爲攝諸佛刹功德莊嚴是爲菩薩以四事故供養如來天復請言善哉尊者菩薩於法常應不捨如昔所爲尸棄梵王及其眷屬演四法門菩薩之道願爲我等一切衆會重宣此義文殊師利言諦聽諦聽善思念

之當爲汝說天子菩薩摩訶薩應發四種增上意樂心云何爲四謂攝一切衆生心成熟一切衆生心集一切善根心覺悟一切佛法心是爲四復次菩薩應發四種如山心云何爲四謂於乞者無瞋嫌心向惡道者生悲愍心般若波羅蜜常不捨心所修衆行皆究竟

心是爲四復次菩薩應發四種轉勝心云何爲四謂持戒轉勝多聞轉勝大慈轉勝大悲轉勝是爲四復次菩薩應發四種如金剛不可壞心云何爲四謂信樂不壞依善知識不壞修行不壞求大乘不壞是爲四復次菩薩應發四種無能染心云何爲四謂煩惱不能染名利不能染下乘不能染諸惡衆生不能染是爲四復次菩薩應發四種無上心云何爲四謂所愛皆捨心施已無悔心不望果報心迴向菩提心是爲四復次菩薩有四種能至頂法云何爲四謂智慧方便持正法化衆生是爲四復次菩薩有四種助菩提道云何

爲四謂勤修諸度順四攝事住四梵住遊戲神通是爲四復次菩薩有四種第一勝法云何爲四謂於諸衆生無損惱心惱害已者心無繫念在五欲境而不放逸貧窮苦厄不捨法行是爲四復次菩薩有四種安隱心云何爲四若在家時自財知足他財不貪若出家

時依四聖種行頭陀法是爲四復次菩薩有四種施云何爲四謂財施法施紙筆施於法師所善心讚歎施是爲四復次菩薩有四種堅勝法云何爲四謂所聞能行豐財能施尊者能供養壽命能種諸善根是爲四復次菩薩有四種不捨云何爲四謂不捨菩提心不

捨正法不捨一切衆生不捨求諸善法是爲四復次菩薩有四種園云何爲四謂樂住阿蘭若樂獨露坐樂求善法樂方便度諸衆生是爲四復次菩薩有四種宮云何爲四樂依梵住樂聞善法樂觀性空樂同行者共止是爲四復次菩薩有四種無盡財云何爲四謂
景四

三
不捨一切善護語是爲四復次菩薩有四種善法云何爲四謂樂修一切善法不輕未學於諸衆生怨親平等爲不請友饑益衆生不思其報是爲四復次菩薩有四種清淨云何爲四謂戒清淨無我故定清淨無衆生故慧清淨無壽者故解脫清淨無諸趣生故是爲四復次菩薩有四種足云何爲四謂善足法足行頭陀功德足集菩提資糧足是爲四復羅尼藏辯才藏法藏無盡財迴向藏是爲四復次菩薩有四種遠離云何爲四謂遠離衆話遠離五欲境遠離非聖心遠離三界是爲四復次菩薩有四種樂云何爲四謂離我我所聞不厭故法眼諦觀諸法得忍故是爲四

復次菩薩有四種無狀云何爲四謂施無狀
住阿蘭若無狀聽法無狀修善無狀是爲四
復次菩薩有四種難行云何爲四謂忍受一
切卑賤凌辱雖自窮乏所有皆施見有從乞
頭目身體心無違逆生善友想觀空無我而
現受生是爲四復次菩薩有四種無病云何
爲四謂無諸見不等病無煩惱熱病無不利
益衆生病無諸法疑惑病是爲四復次菩薩
有四種自分法云何爲四謂諸波羅蜜菩提
分法真善知識不作一切惡業是爲四復次
菩薩有四種不動云何爲四謂菩提心如願
而行如言而作勤修正行是爲四復次菩薩

景四

四

有四種資糧云何爲四謂奢摩他毗鉢舍那
聞一切善根是爲四復次菩薩有四種齊行
云何爲四謂發心起行布施迴向大慈大悲
智慧方便是爲四復次菩薩有四種法障夢
云何爲四謂夢月墮於平地井中夢月現於
濁泉池中夢月在空大雲所覆夢月在空煙

景四

五

塵所翳是爲四復次菩薩有四種業障夢云
何爲四謂夢墮大險處夢高下道夢磐曲道
夢迷方驚怖是爲四復次菩薩有四種煩惱
障夢云何爲四謂夢毒地擾亂夢羣獸惡聲
夢落賊難處夢身蒙塵垢是爲四復次菩薩
有四種得陀羅尼夢云何爲四謂夢大伏藏
諸寶充滿夢清池中衆華齊敷夢得雙淨白
疊夢諸天持蓋覆上是爲四復次菩薩有四
種得三昧夢云何爲四謂夢端正童女衆寶
莊嚴持華授與夢白鵝行列迴翔空中夢如
來手摩其頸夢如來坐蓮華座入於三昧是
爲四復次菩薩有四種見如來夢云何爲四
謂夢月出現夢日出現夢蓮華開夢大梵王
威儀閑寂是爲四復次菩薩有四種得大人
相夢云何爲四謂夢諸妙華果滿娑羅樹夢
大銅器衆寶盈滿夢虛空中幢蓋莊嚴夢轉
輪王以法御世是爲四復次菩薩有四種不
退相夢云何爲四謂夢白綺繫頸夢自設無

礙施會夢身處法座夢佛坐道場為衆說法
是爲四復次菩薩有四種降魔慾夢云何爲
四謂夢大力士摧小力士持勝旛去夢大勇
將戰勝而去夢受灌頂王位夢坐菩提樹降
伏衆魔是爲四復次菩薩有四種坐菩提場
夢云何爲四謂夢吉祥瓶滿夢衆右遶其身

夢所住之處樹皆低枝夢金光普照是爲四
文殊師利說此法時善勝天子及其眷屬歡
喜踊躍以天曼陀羅華波頭摩華拘物頭華
分咤利華供養文殊師利及散一切衆會以
佛神力所散之華上昇虛空成大蓮華量如
車輪微妙香潔悅可衆心於華臺上有諸菩
薩三十二相莊嚴其身

爾時善勝天子白文殊師利言此諸菩薩從
何方來文殊答言如華來處是所從來天言
此華化生無所從來文殊復言彼諸菩薩當
知亦爾
爾時世尊即便微笑從其口中放種種光青

黃赤白玻瓈等色遍照十方無量刹土上至
梵出蔽日月光還從頂入時善勝天子即從
座起偏袒右肩右膝著地合掌向佛以偈讚曰
清淨金色光 妙相三十二 具億那由他
無比勝功德 能救世聞者 何故現微笑
梵音深且遠 所言淨微妙 恒蘊七聖財

放大智慧光 出雄大丈夫 倍羅等供養
一切貪恚癡 面如淨滿月 善逝天人師
具足行衆善 降魔及異道 常為諸天人
常持大慧燈 具足十力者 何故現微笑
無畏如師子 一念無餘習 慈惻智慧障
人中最尊勝 普施安樂者 願說微笑義
超越諸有海 無量功德聚 其心常平等
開解一切者 何故現微笑
破黑闇稠林 遊步若牛王 利益衆生者
難見難可測 無我無詭曲 智力自在者
千幅綱繆足 三界無倫四 何故現微笑
竭涸生死流

景四

斷絕愚癡網 善哉大智者 聞說微笑義
爾時世尊告善勝天子言汝見虛空蓮華座
上諸菩薩不天子白言唯然已見佛言此諸
菩薩皆是文殊師利之所化度為聽如是四
法門故從十方來皆住一生補處於十方刹
當成阿耨多羅三藐三菩提名號各異天言

世尊此諸菩薩頗有筭計知其數不

爾時世尊告舍利弗汝能知耶舍利弗言世
尊我能於一念頃悉知三千大千世界一切
星宿不能百年筭知此諸菩薩數量

佛告舍利弗假使微塵滿閣浮提尚可數知
此菩薩數莫知邊際舍利弗言何處當有爾

許佛刹容是菩薩成正覺耶

佛言且止莫作是說諸世界中空無佛者無
量無邊舍利弗假使如來恒河沙劫久住於
世日日常說恒河沙法說一一法皆授恒河
沙菩薩阿耨多羅三藐三菩提記過於東方
恒河沙佛刹乃一菩薩於中成佛如是東方

無佛世界尚不能盡何況十方一切刹土空
無佛者舍利弗如是所有無量世界皆是如來
肉眼所見其中所有一切衆生皆是如來
心之所知時諸大聲聞及一切衆會心生希
有作如是言我等今者咸得善利值遇是師
成就廣大福德智慧

景四

七

時虛空中諸來菩薩皆從空下頂禮如來及

文殊師利恭敬右遶各還本土

爾時善勝天子白文殊師利言善哉尊者乃
作佛事乃能化是無量菩薩住大菩提願為
我說成就此等住菩提法文殊師利言天子
成就菩薩住菩提法有三十五所謂應常依

時不失其節應警策諸根應攝心不動應修
諸波羅蜜應隨善方便應發勝意樂應建大
慈應起大悲應不捨大乘應遠離小乘應常
諦實應如實作應護正法應如聞行應了衆
生性平等無二應觀破戒持戒皆福田相應
覺諸魔業應成滿大願應於生死不疲厭應

降伏衆魔應知恩報恩應入滅因法應於解脫門不驚怖應供養諸佛應隨衆生所須皆作應不染世法應樂阿蘭若應行少欲應念知足應未度今度應未解令解應未安令安應未涅槃令涅槃應不斷三寶種應攝諸佛淨刹功德莊嚴是爲成就菩薩三十五種住

菩提法應如是學又復天子菩薩應離十種慢心所謂我慢多聞慢辯才慢利養名稱慢住阿蘭若慢頭陀功德慢富貴眷屬慢釋梵護世承事慢禪定神通慢爲於佛法僧得不壞信天龍夜叉捷闡婆阿脩羅迦樓羅緊那羅摩睺羅伽等恭敬讚歎慢菩薩能離此十種慢即於阿耨多羅三藐三菩提不退轉不爲一切外道魔怨之所損敗時善勝天子白文殊師利言隨於尊者所住之處當知已是此法門即爲如來於中出世轉正法輪佛言如是如是汝所說隨何方土文殊師利說此法門即爲法王於其中住若有衆生行

此法者是真佛子有能信解受持此法名實修行斯人已爲佛所調伏不退轉於阿耨多羅三藐三菩提

爾時世尊告彌勒菩薩迦葉阿難善男子我今以此法門付囑汝等當受持讀誦如說修行爲人廣說我涅槃後應以此法大作佛事

景四

八

令一切衆生皆獲安樂彌勒白言唯然受教世尊當何名此經云何受持佛告彌勒此經名說四法門亦名成就菩薩道法是故汝等應共受持佛說此經已彌勒菩薩摩訶薩長老大迦葉長老阿難及一切世間天人阿脩羅等聞佛所說歡喜奉行

大乘四法經